

北洋官報

目錄

宮門抄
 上諭
 奏請旨
 奏請○度支部奏山東賑捐准展限摺△步軍統領衙門
 奏摺節餉米改充隊兵經費摺△又奏變通五營制兵
 片△江督端奏保著陸軍八材摺△又奏購買藏書送
 公牘○督憲札一件△賑撫水利兩局詳一件△安州東
 部片
 文告一件△川督札一件△河南陸軍參謀處詳一件
 文告五則△電報七則△新聞十三則
 彙編○振興湘中實業條陳

本局第一二二期 政法學報 已出

宮門抄

五月初六日 度支部 宗人府 正白旗值日 那王等軍政完竣覆 命 李殿林因姪以內用謝

恩 陳邦瑞因子以內用謝 恩 寶熙因子以文員用謝 恩 孫紹陽因子以外用謝 恩 四

川正監理官方碩輔謝 恩 廣西知府駱楸勳謝 恩 江西知府孚恆謝 恩 莊王續假五日

閣公假滿請 安 順天府奏京師得雨三寸有餘 庚耆 同林 陳應濤 緒良 善英 裕芳各

伺候 召見 召見軍機 方碩輔 駱楸勳 孚恆 庚耆 同林 陳應濤 緒良 善英 裕芳

五月初七日 禮部 學部 正紅旗值日 晏安瀾謝署度支部右叅議 恩 新授內閣侍讀學士瑞沅

謝 恩 世榮因伊子以旗員用謝 恩 錫鈞因伊孫以文職用謝 恩 順王假滿請 安

文俊 舒志 倭什琿 特蘇慎 茹泰 崇輿 伺候 召見 召見軍機 順王 文俊 舒志 倭

什琿 特蘇慎 茹泰 崇輿 外務部代遞李家駒奏摺一封

諭

五月初六日內閣奉

上諭升允奏甄別屬員以肅吏治一摺甘肅卸署涼州府事正任涇州直隸州知州張元漆見理不明優柔誤事岷

州知州童立綱才欠開展難勝邊要河州知州高光斗性情偏執不洽輿情武威縣知縣梅樹南未信勞民致滋怨讟均著開缺另補署會甯縣事議叙通判陳乃訓糴糧營私販土漁利署合水縣事候補知縣楊懋源有文無行縱下濫刑丁憂前署秦安縣事試用知縣蔣希惠貌似有才心實貪狡裁缺補用知縣成瑞繼子爲非被控有案候補知縣劉廷瓚猥瑣貪鄙不知自愛署東樂縣丞試用府經歷秦學堅膽妄無恥不堪造就試用縣丞鍾蔭收盤舞弊需索被控武威縣典史張溥霖庸庸無識辦事操切候補典史汪克承輕率誕妄不知檢束均著即行革職平番縣知縣湯霖迂緩遲鈍難膺民社惟文理尙優著以教職歸部銓選靖遠縣知縣傅曾熙玩視職務造報遲延著以府經歷縣丞降補又片奏貪庸不職營員請予懲儆等語卸署靈武營叅將儘先補用游擊劉德貴居心貪狡行同無賴卸署西鄉營都司儘先補用叅將吳國鎮賦性鄙陋惟利是圖均著即行革職該部知道欽此

五月初七日內閣奉

旨伊犁將軍著廣福署理欽此

上諭江西撫州府知府員缺著李馨國補授欽此

交

旨

五月初六日 軍機大臣欽奉

諭旨那彥圖等奏軍政職任官員考驗完竣一摺著依議該部知道單五件併發欽此

奏議錄要

度支部奏遵議山東巡撫奏山東賑捐限滿請再展限一年摺

奏爲遵 旨議奏事山東巡撫袁樹勛奏山東賑捐限滿仍難停止請再展限一年一摺宣統元年三月初十日奉 硃批該部議奏欽此欽遵由內閣鈔出到部查原奏內稱東省賑捐前因限滿勢難停止經前署撫臣吳廷斌奏准展限一年接續勸辦計自是年三月初九日展限之期起至宣統元年三月初九日又屆一年限滿本應依

限停止惟東省爲黃河流域雖頻年屢慶安瀾然每遇大汛濱河各州縣沖刷隄堰被淹成災仍所時有上年春間金鄉縣猝被風雹損傷禾稼倒壞房屋淄川縣復被火災災民住房積糧悉付灰燼秋間樂安萊蕪新泰蒙陰沂水新城等六縣山水雨水沖塌房屋淹斃人口均經隨時查放急賑計款已屬不貲現在民困未蘇春賑亦屬刻不容緩據籌賑局司道詳請具奏前來臣覆核近年賑捐雖已久成弩末而東省庫儲奇絀當茲新政凡百待舉本已窮於挹注此項捐款無事時似僅作不虞之豫備有事時要實爲應急所必需且查光緒三十三年奉部議覆升任撫臣楊士驥奏展七項捐案內聲明黃河各游碑石等項所費不貲該省現辦銜封等項賑捐應由該撫設法分撥騰挪各語是山東賑捐一項不但爲賑撫所資並須協撥河工誠難驟行停止合無仰懇 天恩俯念山東工賑緊要准將現辦四成賑捐自本年三月初九日起援案再行展限一年俾資接濟等語臣等伏查上年四月間據署山東巡撫吳廷斌奏請將山東賑捐再展一年當經臣部議准覆奏奉 旨依議欽此欽遵行知遵照在案茲據山東巡撫袁樹勛奏稱山東賑捐限滿仍難停止請再展限一年並稱上年春間金鄉縣猝被風雹淄川縣復被火災秋間樂安等六縣山水雨水沖塌房屋查放急賑計款已屬不貲並須協撥河工誠難驟行停止等因臣等查該撫所奏各節自係實在情形擬請將山東現辦賑捐再予展限一年用資接濟恭候 命下卽由臣部行知遵照所有遵議緣由謹恭摺具陳伏乞

皇上聖鑒謹 奏宣統元年四月十六日奉 旨依議欽此

步軍統領衙門奏撥節步甲餉米改充隊兵經費懇 飭部立案摺

奏爲撥節步甲餉米改充隊兵經費就款挹注懇 恩飭部立案恭摺仰祈 聖鑒事竊查奴才衙門撥節步

甲一項係光緒二十七年十月二十二日步軍統領衙門會同總理善後協巡局事務和碩慶親王奕劻奏設街道同時因款項不足由步甲項下撥節撥補應用並將各兵四季應食米石一併撥歸該局分別充公旋因協巡局奏撤改歸工巡局嗣又改歸巡警部卽民政部歷充修理街道之用每月該部由奴才衙門支領撥節步甲七成餉銀一千九百六十九兩八錢米一百七十四石二升歷年半月 恩賞八成實銀二成錢折共一千一百九十五兩

九錢五分統計由度支部歲支銀二萬四千八百三十三兩五錢五分歲支米二千八十八石二斗四升按每石四

兩折合共銀八千三百五十二兩九錢六分迨至光緒三十三年二月間民政部奏准開辦鋪捐籌有路工專款當經往復咨商由是年五月起將此項餉米撥回一半復於是年八月全數撥回適值奴才衙門改革後百端待理需款浩繁舉凡開辦學堂操練兵隊改編槍隊遊緝隊均因庫帑維艱未敢率請增益賴有此款接濟以補不足惟前將此款撥修街道原係一時權宜現既爲辦公必不可少之款自應據實聲明以符名實奴才等公同商酌所有撙節步甲餉銀米石以常年計算共合銀三萬三千一百八十餘兩今既改充隊兵經費擬請每月隨同營餉支銀二千八百兩米石一項卽行停領庶可名實相符公務良多裨益惟此款係由餉米改充經費遇閏自應按數關支合無仰懇 天恩俯准飭部立案用昭核實年終彙總奏銷除將此項餉米數目咨行度支部查照外理合恭摺陳伏乞

皇上聖鑒訓示遵行謹 奏宣統元年四月二十八日奉

旨依議欽此

又奏變通五營制兵片

再查奴才步軍統領衙門所屬巡捕五營原設馬戰制兵一萬名嗣因屢經裁併只存五千名合中營現有一千五百名內分馬兵五百四十名戰兵八百六十名簡差戰兵一百名南營現有兵一千二百五十名內分馬兵五百二十名戰兵六百三十名簡差戰兵一百名北營現有兵七百五十名內分馬兵三百二十名戰兵三百三十名簡差戰兵一百名左營現有兵八百名內分馬兵三百二十名戰兵三百八十名簡差戰兵一百名右營現有兵七百名內分馬兵三百名戰兵三百名簡差戰兵一百名分佈各營汛緝捕當差查五營地面差務繁簡不同原設兵數隨之亦異惟是今日情形大非昔比有不得不稍加變通量爲分佈者查京營所屬地面計周五百餘里京城以外分隸中北左右四營地方遼闊巡邏已覺難周現有兵額之數已減原額之半彈壓緝捕勢難遍及而民政部巡警一時既不能推廣四郊度支部庫款支絀勢亦難規復舊制再四思維惟有將差務較簡兵數較多之處量與分撥以資鎮懾除中營兵額雖較四營爲最而所屬地面有 園庭多處均應派兵守衛所有該營原設制兵勿庸分撥外查南營所屬地面卽外城七門以內自民政部設立外城巡警總廳設官分區添練巡警兩千數百名計所增約四倍當年五城練勇之數逐漸分佈南營制兵差務遂日簡於前擬請由南營兵丁內撥出兵丁三百七十五名

分撥北左右三營一轉移間計每營有馬兵三百六十五名戰兵四百十名如此量爲變通於營汛捕務殊多裨益奴才等爲整頓營務起見是否有當謹附片具陳伏乞 聖鑒訓示遵行謹 奏宣統元年四月二十八日奉 旨依議欽此

兩江總督端方奏保薦陸軍人材摺

奏爲薦舉陸軍人材以備任使恭摺具陳仰祈 聖鑒事竊惟整軍經武爲強國之要圖而興賢尙功實官人之至計比年欽奉 明詔保薦人才拔茅彙征羣思自奮而陸軍專門之業膺薦剌者尙屬無多揆諸 朝廷尙武求材之盛心私竊虞其未副奴才歷膺疆寄留意將材謹就素所深知者據實臚陳上備 聖明甄採查有兩江督練公所總叅議記名協都統正叅領舒清阿器局闊遠志慮忠純江甯一鎮成軍雖久章制未備奴才到任後極力擴充漸臻完善該員贊畫之力爲多中間勦平梟匪再定皖亂遇事諮詢多所匡助軍諮處副使正叅領哈漢章天資英邁學識閎通上年校閱江鄂陸軍會操該員派充副叅議官擘畫周詳深資臂助軍學司司長正叅領良弼才猷敏練學術精深留學日本譯有叅謀要略一書甚得要領其宅心忠亮足備武學顧問之選軍制司司長正叅領易迺謙才識開放沈毅有謀奴才前在兼署湖廣總督任內該員曾充武備學堂教員知其學識俱優材堪任使軍諮處第一司司長正叅領盧靜遠識達才優果於任事該員武學頗有根柢而於新舊軍制尤能隨時研究使能充其所學亦陸軍不可多得之才江陰要塞工程局總辦候選道章亮元學問素優才具開展辦事精細無近時新學囂張之習氣尤爲難得教練處總辦奏留兩江補用道陳琪才優識敏軍事精研奴才前在湖南巡撫任內委辦武備學堂極資得力光緒三十二年隨同出洋所至考查尤多心得方今世變益新東西列強無不以綢繆戎備擴張兵力爲亟非武學素多研究不足爲捍禦之資非辦事具有血誠不足備緩急之用近年以來各省派選學習陸軍學生不下千數其中劬學勵行之士自不乏人而求其材力邁羣體用兼備者實亦不能多觀以上各員多係湖北及江南學生其同幹雖有不齊材智實皆出衆奴才歷官江楚知之素深用敢據實臚陳以備任使如蒙 恩優加擢用必能裨益時艱至如何破格 錄用之處出自 聖裁所有薦舉人材緣由謹恭摺具陳伏乞 皇上聖鑒訓示謹 奏宣統元年五月初二日奉 硃批陸軍部知道欽此

又奏購買藏書送部片

再奴才夔年奉使回國條陳導民善法四端首以創建圖書館爲請比蒞江南搜羅圖籍擬於江甯省城建築圖書館奏奉 諭旨欽遵在案竊維京師爲首善之區中外觀瞻所繫圖書館之設所以敷宣 聖治嘉惠藝林尤

宜從速觀成力求美備惟是善本秘籍至爲難得東南各省夙稱文物薈萃之區雖經兵燹之摧殘不少摺紳之藏蓄不脛而走時有所聞自應代爲購求冀以免散失而資補助當經飭由藩學兩司會同購定浙紳姚氏藏書一千零十一種皖紳徐氏藏書六百四十一種兩項書籍計共十二萬九百餘卷分裝一百八十箱共編目錄一分於光緒三十四年十二月委員領齋解送學部驗收所有兩項書價共銀二萬兩均由奴才飭由財政局分別籌給除咨部外謹附片陳明伏乞 聖鑒謹 奏同日奉 硃批該部知道欽此

公牘錄要

督憲楊札委津海關天津兩道會同查勘南關外總車站事宜文

爲札飭事照得津浦鐵路北段開工已將一載現自良王莊以南土工一律告竣惟天津總車站屢經查勘未能定議迭據天津商家聯名稟請南關外地方建造車站最爲相宜又經李道德順暨工程司等查勘情形亦復相同即由總局劃定地址由購地局丈量發價數月以來屢傳地戶迄未到齊以致未能辦妥近日紳商各界議論紛紜大意謂總站不宜設在南關查津浦鐵路原定與京奉路綫接軌故去歲就京奉新站之西開工其經行直綫迭次履勘惟南關外地勢寬廣堪設總站此外均有窒碍證以前次衆商所稟各節亦尙相符但總站關乎全局不厭求詳亟應再加研究以期至當除由本大臣會同 呂孫兩大臣札飭孫道鍾祥張直牧廣建會同北段總局李道德順等暨總工程司就所定路綫迅速履勘詳細調查所有總站究以設在何處最爲相宜稟候本大臣核定以期商務輿情悉臻妥洽應仍派津海關蔡道天津齊道會同查勘俾昭慎重除分行外合行札飭札到該道即便遵照此札 賑撫水利兩局詳核覆飭勘運河各堤險工伏汛將屆恐勞費悞工請緩至秋後勘辦文並批

爲詳覆事竊於宣統元年四月十七日奉 憲台札飭據武清縣知縣姚佐寅詳稱案查前經水利局張道勘估北運河東西兩堤各段險工卑職查估册內開該河東堤王家務大王家甫楊家河箭嘴窩西堤莊河村河西務關門

口下官屯等七村工程均係卑縣地面查勘堤岸坐灣迎溜悉屬危險異常實是萬不可緩之工且非歲修例款所能補救除將莊河村險工業已稟請委員覆勘估計外所有王家務等村各險工在在均關緊要爲時已迫似須趁期籌辦擬合詳請查核迅賜札飭水利局賑撫局會委幹員妥爲覆勘估計及早撥款興工俾資保障實爲公便等情到本督部堂據此除批詳冊均悉候行水利局賑撫局會同委員查勘妥議詳辦此繳等因印發外合行札飭札到該局即便查照辦理此札計發清冊一本仍繳等因奉此職局會查現時節交夏令轉瞬伏汛將屆所有各工已估定者尙可趕辦其未估定之工尙待覆勘者爲日已迫第恐趕辦不及設使勉強施工萬一工未及半而汛水猝至勞費無功執厥咎復查北運河業已淤涸全河大溜盡趨鮎魚溝而歸鳳河將來盛漲其正河身轉屬分溜該令所指各工皆在鮎魚溝水口門以下此項工程似無大碍可否緩至秋後勒辦庶幾工歸實際款不虛糜所有奉檄飭勒北運河東西兩堤各段險工緣由是否有當理合詳請 憲台核奪批示祇遵實爲公便爲此備由具呈伏乞 照詳施行

督憲楊 批如詳辦理仰飭該縣遵照冊存此繳

安州劉寶泰等稟安州修理南北兩堤及障水埝工竣請委員驗收文並批

敬稟者竊卑職鴻飛等前奉藩司委赴安州會同卑職寶泰將南北兩堤並障水埝各工認真興修等因當將開工日期稟報在案茲卑職等親詣工次邀同教佐各官督率司事紳董人等迭次嚴催多集人夫按照勘估各工實力修築已於四月初十日將南北兩堤並障水埝各處埽工一律告竣除將用過工料銀錢細數另行造冊報銷外理合會稟 大帥查核迅賜飭司委員驗收實爲公便肅稟恭請 勛安伏乞 垂鑒

督憲楊 批據稟已悉仰布政司委員前往逐細驗收並移清河道查照繳

川督趙札催各屬按年清解路股文
爲札催事據鐵路總公司詳稱案查川漢鐵路工艱費鉅常年的款全恃租股爲大宗茲查三十四年分租股銀兩全年解清者僅三十餘廳州縣其解而未清及分釐未解者尙有九十餘處現在已屆仲春轉瞬又將開抽本年租股實難聽其久延致滋牽混理合將各該處欠解之數造具表冊其三十二年未經解清各處一併列入冊內呈

乞憲台嚴飭各屬趕收掃解以清年限而重路政是否有當理合具文詳請察核批示祇遵計表冊等情據此當經本督部堂批仰候分檄嚴催掃數清解繳除批印回並分行外合就札飭爲此札仰該府廳州縣即將單開欠解租股銀兩趕緊催收齊全刻日報解不准帶欠絲毫切切特札

河南陸軍參謀處會詳撫院擬定測繪所章程文

爲遵批擬定測繪所章程會同詳請 奏咨立案事竊職處籌辦實測軍用地圖停辦測繪學堂改設測繪所一案前經詳奉憲台批准照辦分飭本司職道職局將每年不敷之款會籌支撥並飭將擬定章程會同詳候核奪 奏咨立案等因蒙此伏查軍用地圖關係重要戰時策畫機宜固恃以爲運籌之具平日研究輜略亦藉以作考鏡之資汴省地勢四通毗連七省全部面積約廣五十二萬六千方里河山形勢邊塞險要在在爲軍政所關前次陸軍部奏定測繪全國軍用地圖辦法飭由各省儘力籌辦其時汴省測繪學堂甫經設立若遽開辦實測實乏精通測量之才可資驅策又值各省均在籌辦即使設法咨調亦恐不敷派遣因就原設學堂認真教授籌備以期造就有成分派應用現在該堂學生均已遵章畢業亟應實行測繪製造地圖以符部奏惟實測事宜頗爲繁重汴省財用又甚支絀若仍照常辦理學堂兼籌並顧力實未逮惟有暫將學堂停辦改設測繪所專辦實測即以原設教員督同畢業各生分路開測一切圖式比例均按照部章辦理期歸劃一惟查軍用地圖測繪極爲精細斷非倉猝所能藏事學堂既須停辦人才終虞缺乏查河南陸軍附設隨營學堂內有測繪一門將來測實各生如有不敷分布續行遣派之處卽由該隨營學堂內調取備用如此變通辦理製圖一事既可以急其所先學堂一層亦有以善乎其後茲將臣處擬定章程理由本司職道職局等詳加參酌員司編制及額支活支各款務亟撙節計每年共需銀一萬九千零六十八兩除以原辦學堂之款抵用外每年尙不敷用一萬一千一百四十八萬應卽遵飭將不敷之款由本司職道職局會籌支撥作正開銷所有擬定測繪所章程理合繕具清冊會同詳請憲台鑒核批示祇遵如蒙照准應請具 奏並分咨 陸軍部度支部立案爲此備由具詳伏乞照詳施行須至詳者

文告錄要

學部批示○兩江法政學堂教員王家駒呈控棍徒阻學懇曲予矜全懲辦由 批據稟已悉已咨行兩江總督飭

丹徒縣查明究辦矣此批

督憲批示○天津縣斗店怡和公等遣抱人陳永祥稟 批仰天津道督同府縣查明案卷體察情形妥議稟奪抄

稟批發○獲鹿縣錢商萬益恒等稟 批竇繼宗認辦錢捐係由獲鹿錢商三十家連環公保所設捐局仍由同

行公同承辦相安已久爾等如係獲鹿真正錢商何肯另舉他人接辦前有李士昌謀充錢捐亦有鐵商公保迨

經委員往查均係冒名捏稟批經究辦在案前車可鑒所請著不准行

學台批示○任邱縣文童賈萬川稟據情復陳懇恩作主速賞飭查以救蟻命一案 批兩稟均悉此案 學部飭

查業經嚴札該縣迅速查覆以憑核辦勿瀆此批○奉天義州師範畢業生劉祖蔭稟參觀一案 批稟悉該生

有志創辦女學准即來司領參觀券分往各女學參觀俾資取法此批

臬台批示○定州民人何大煥來司呈控一案 批案准工巡局將全案卷宗咨送到司查閱案情業經工巡局緝

獲韓韻清起獲洋槍等件錄取供招票發清苑縣派差轉遞歸案審辦並據探訪員訪訊輿論開摺呈送當經抄

錄迭訊堂供同起獲各件札發該州核案擬辦各在案候札催該州迅速提集人證卷宗究明實在前情候行順

德府一併核議到日再行詳覆飭遵該民已足雪恥著即回籍安度毋再蔓訟自取苦累

保定工巡總局批示○民人孫玉山具稟一案 批據稟已悉所開戲場一切舉動均應查照京津定章切實遵守

慎毋擅越範圍致干封禁至每月捐數亦照前次電影認交不得藉詞請減○民人薛立周具稟一案 批既據

稟求姑准傳飭該管分局查啓前封發還執業爾即覓同安保前赴該局具領可也

電報錄要

路透電○德國議院財政議員現反對訂遺產稅之表式因政府擬改訂稅章現在守舊黨教會黨并波蘭人亦均

反對此舉首相普魯親王甚覺進退維谷

柏林電○英京歐市布塞威報云奧皇佛蘭約瑟氏函請英皇愛華華務德氏赴馬蘭巴德一游現奧京宣布謂此事

實係子虛聞英皇擬往士洛地方如往葛墨敦地方即會晤康柏蘭德大公爵

又電○非洲阿比西尼亞國王曼尼利克第二染病甚劇

又電○德皇以黑鷹大勳章賜與德國海軍協會總理海軍大將克司德爾氏

又電○俄國外部大臣依烏洛斯克氏前上書辭職現已決意留任

又電○法國財政大臣喀拉克斯氏現擬加增遺產稅

又電○摩洛哥國王現與民人不和

新政紀聞

政治

組織自治講習所○京師內城總廳章廳丞擬在內城適中之地設立自治講習所一處飭各區選送紳士入所聽講以期造就自治人才

地方自治開會紀盛○京師內城右三區於初三日開辦地方自治研究會一切均甚整齊區官梁濟川君紳商崇君芳周君月亭及各辦事人均異常周到各學堂及貧民院學生皆排隊而往甚形踴躍來賓到者亦甚衆首由提倡紳士崇君演說開會宗旨次警官尹君演說地方自治之必要次來賓恭致祝詞均極踴躍

自治研究所開辦禮節○京師內城右三區地方自治研究所開辦禮節次序如下 一振鈴開會 二軍樂 三

琴歌 四宣讀 諭旨行三跪九叩首禮 五軍樂 六琴歌 七廣告開會宗旨 八提倡人演說 九警

界演說 十來賓祝詞 十一琴歌 十二軍樂 十三振鈴畢會 十四茶話附錄應行研究各事宜 一宣

講所 一閱報社 一市巷政會 一學堂 一工廠 一公園 一救火會 一育嬰堂 一恤養堂 一貧

民教養院 一全節堂 一施醫藥局 一施義材 一自來水 一電話 一路燈 一土水車 一修治道

途橋梁 一凡關於公安衛生各項 以上各事除宣講閱報粗具規模餘件多待詳商云

外 交

咨請保護遊歷日人○督憲准湘撫咨日本國人赤城留吉赴湖南湖北四川甘肅陝西山西河南山東直隸等省

遊歷等因已札飭所屬照約保護矣

呈請保護遊歷外人○督憲據江海關道呈報本年二月上中下三旬奧國人克利滿勒英員吉登斯又極英英國

人檢利日本人矢島保治郎均赴直隸等省遊歷又據津海關道呈英國工程建築師德克由津赴直隸省遊歷各等情除分行外已札飭所屬照約保護矣

學務

飭局籌辦女子小學○學部咨飭督學局云查提倡女學爲當局之要務京師雖有女學數處半皆公立者應由局

速行籌設女子小學堂數處務於暑假前後開辦以答 朝廷興辦女學之至意云

定期展覽學堂成績○江蘇松江府青浦縣教育會勸學所定期五月十五六七三日開全邑各學堂成績展覽會

所定簡章如下 一本會受江蘇教育總會之委託先期開成續展覽會以規優劣而備選送 二會所在本城

嘉會堂教育會勸學所辦事處 三本會務在廣收凡城鄉各等男女小學堂之成績品均祈送會以待公衆之品

評 四送會之成績品當照總會簡章第四條高等小學以下以圖畫習字手工爲限凡非會場所一覽而知者

姑從割愛 五送會之品但須於原件上題明或籤記某校某級生姓名年齡本會當即登簿存查以便開單轉

送並爲後日給還地步 六各學堂如照總會簡章第六條以各項攝影(校舍攝影畢業攝影旅行攝影運動

會攝影)送會者須備二份除送總會保存外並將一份留存本會會所以爲紀念 七展覽會以三日爲限自

五月十五日起至十七日止(十七日專爲女賓展覽期)每日午後一時開會六時閉會 八送會品以五月十

四日爲截止期

軍政

蘇省實行檢閱新軍○蘇省陸軍混成協統領候補道劉觀察篤烈以蘇省新軍開辦四載從未舉行正式檢閱當

於本年正月間頒發各項規則及全協教育預定課表飭令各營將校切實整頓認真訓練現經觀察遵照部章

詳明撫院定期帶領協處軍官佐人員約二十餘人分赴各營檢閱其課目分內務學科服裝器具術科等項計

四月二十三四五等日檢閱四十五標步隊二十七八九等日檢閱四十六標步隊五月初六七兩日檢閱馬隊

初八九兩日檢閱砲隊至十一日全協講評凡將校之合格能盡責任而實事求是者分別獎勵之其不合格而

怠惰者分別懲罰之以昭激勸

軍事測繪之開始。○軍事與測繪關係最爲重要。近日京師測繪學生出張清河海甸一帶地方實地演習。竟能迅期告成。深爲盛舉。聞此次測繪開始。不免多數窒礙。卒之履險如夷。舉重若輕者。固由於主其事者之調度得宜。而學生之專意研究。亦較甚於在校時之功用云。

民事

實行吸煙給照日期。○兩江禁煙公所。以各屬吸煙牌照等事。請限六月初一日實行。等情。詳奉江督批云。禁煙調查給照等事。省城既已辦竣。所有各府廳州縣地方。自應勒限辦理。所請以六月初一日爲各屬實行之期。事屬可行。省城地大民繁。二十日即能竣事。各屬既有四十餘日之寬限。如果不能如期辦竣。即由該所詳請懲處。無錫組織鄉董公所。○江蘇錫金各鄉董。於上月二十二日假座商會開四鄉董事公所組織會到會者共四十人。由主席孫君鶴卿宣佈宗旨。大致謂鄉董散居各鄉。無會集之所以致聲氣鮮通。辦事隔膜。甚至互相坐視。意見橫生。亟宜聯絡。一氣爲推行地方自治之準備。故此大開會意。在就四鄉固有之董事。固結團體。俾自治事務得逐漸推行。期臻劃一。其辦事範圍。以處理四鄉民事爲主。助長教育。農業商業。慈善各團體事業。爲輔。開辦經費。暫由各董籌措。事務所假定典業公所。并推舉蔣君遇春爲事務所坐辦。并開定於五月初十日仍假商會開成立大會。

實業

籌設女工傳習所。○順天府凌大京兆現擬在順屬酌設女工傳習所。一區專收貧苦婦女。分別教授紡織刺繡裁剪造花養蠶各課。以期各有一技之長。免致依賴生活。刻正籌畫經費。釐訂章程。不久擇地開辦矣。

照會設立華僑出品協會。○江督端午帥照會南洋各島商會。總理文云。案照南洋創辦第一次勸業會。定於宣統二年四月初一日開會。九月底閉會。業經奏准設立事務所。籌備一切事宜。並選派委員分赴各省調查。在案。查南洋各島介於溫熱二帶。物產蕃庶。工藝勃興。將來會場內建有華僑陳列所。自應廣爲搜羅。以資考鏡。夙稔貴總理洞悉商情。熱心公益。應請於南洋各島埠商務繁盛之區。聯絡華僑商界。設法組織出品協會。搜集珍奇物品。定期展覽。以爲明年運甯陳賽之預備。除另選委員前往調查外。相應備文照會貴總理。請煩查照。

湖南勸業道詳請撫院振興湘中實業條陳

一修農政 國以民爲本民以食爲天以言養民則農政其大端也然古之人因事成法今之人因法成事今日講求農政實不外獎勵禁戒二法所謂獎勵者山鄉則多開塘堰水鄉則堅築堤垸大抵小民淺見不知遠圖爾界此疆莫關休戚言及興工籌費無不推諉畏難惟在地方官開誠布公剴切勸辦俾知公益所在其利久長目前雖不免勞費歲凶則有恃無恐庶幾通力合作樂觀厥成其有經界不明爭訟不決者爲之安立權限平剖是非俾閭閻有相友相助之樂無爾虞我詐之憂有能獨力開塘或捐修堤垸裨益地方者則優擬獎格以資鼓勵此外蠶桑畜牧農事充類以求爲利甚大又在隨時考究次第倡興至於山林川澤之利古有虞衡之司泰西各國講求林業實本我法湘中水豐土潤最宜栽畜茶桐杉棉麻菓竹大利所在物類實繁并宜特懸賞賚極力提倡有能獨力種樹至千株者由地方官獎給花紅三千株以上者由道給與匾額至五千株以上成材利用者詳請旌獎俾知觀感凡此皆獎勵之法也所謂禁戒者查湘省濱湖各屬堤垸向有董事經理而辦法未盡適宜且聞有不肖紳董藉名勒索乾沒把持尤爲地方之害該管官務須隨時隨地督率考查所有抑勒苛斂諸弊均應嚴行禁遏有犯必懲其種種諸物滋生培壅必謹必周如牛羊踐踏斧斤竊伐皆當懸爲厲禁嚴訂科條已由道撰就保護農林告示業經印發各屬遍貼曉諭所望官督紳董實力奉行倘有違犯分別罰懲湘中惡俗每有因搶竊控官賊族及刁生劣監唆使婦女扶老扛病坐拼事主之家甚至釀成人命最堪痛恨嗣後州縣衙門遇有此等案件當比尋常詞訟加嚴務須隨到隨訊一經訊實立予懲治不使刁劣出頭徇庇丁役需索分文凡此皆禁戒之法也若夫提綱挈領則又在籌設農會以爲推行之本查省城設有農業學堂一所農事試驗場一區成效已著惟農務總會尙付闕如現已由道詳請籌設各府廳州縣亦應遵章酌設分所兼籌農事半日學堂農事演說會場招集附近農民就境內土宜物產切實調查何業當改良何事當仿倣如製造風車水車配合各種肥料諸類一一研究總期共圖公益日闢新機則農業之興庶可計日待矣

一勸工藝 國有六職百工居一知作巧述立成器以爲天下用古聖人已鄭重言之後世以工爲賤業亦不知自愛凡有製造因陋就簡非笨卽窳互市以來各國揣測中國嗜好攝其巧思以爭利月異而歲不同國人以利其便

用爭相購買故進口洋貨日增而出口僅恃天然物品一經機造販運來華遂獲鉅利此我國各業日即衰落而民之所以日窮也年來工藝以次肇興各省製造局廠相繼設立無非欲藉此收回利權以免金錢外溢如長沙之鑄貨醴陵之磁業瀏陽之漆器寶慶之竹器各屬之火柴公司何嘗不日闢新機然華麗以壯觀瞻之器多而切實以供日用之物少終不能頡頑西人也雖然我國亦豈無良工哉試思三古以上之尊彝鼎俎唐宋以來之名磁玩器凡有一切之工緻西人皆不惜重價購之以歸詫海國可見古來工藝不遜於歐亞特古人勤而今人情古人誠而今人詐西人守業不變中人見異思遷西人不惜工本而出貨良中人先圖染指而就事苟以致事事多落人之後現在湘中工業雖漸臻發達而製造之切於用者尙屬無多亟宜多設學堂工廠先從普通必需之品殫精做造方足收振興之實效查湘省各屬工藝學堂局廠已辦有成效者固多而僅具規模或遷延未就者亦復不少嗣後已辦之工業實須督飭員紳設法推廣極力改良未辦之工業尤應速籌經費遴聘教員匠目尅期開辦學堂則考取合格之學生授以應習各種科目教以必需之知識技能局廠則招集聰敏藝徒取西人製成之器教以辨別物料之法仿照製造之方積以歲月當可知其奧窔由是擴而充之觸類而引伸之亦自能日出新意又奚患不能抵制西貨哉惟此項學生選之亦必有道聰慧而不凝重難免執德不常必先察其性情觀其舉動不至中道而廢然後可授之以事而策其有成如一時實難籌款不能遽設專門學堂亦宜迅辦實業補習普通學堂藝徒學堂先從簡易入手一面妥籌經費力圖擴充至於商務繁盛之地方并宜遵章籌設勸工場陳列所製各物使工人互相觀摩俾商販轉運轉輸及遠爲益尤多遇有研精工藝獨出心裁創製新法新器確能挽回利權足資民用者均准呈送大部查驗註冊照章給獎以爲提倡工業者勸

一興商務 東西各國之爲商人者莫不孜孜講求於經營貿易視同身心性命之事故能任重致遠交通互市角勝於商戰之場近數十年間中國開闢商埠外人羣趨爭利我之商業不振相形見絀以致利源漸溢成一絕大漏卮前此商部奏定章程通行各省籌設商會一以保護商業開通商情爲宗旨所以維持策勵者靡不周至乃數年來湖南商業仍少進步巨商倒歇常有所聞推求其故一由於商會未能遍立則倡導乏人向之識見拘墟者猶不免務近忽遠故步自封一由於商本不盡充實則買賣多空向之虛出紙幣者偶或因周轉不靈即難支柱而奸商

鄭亮翁粵人也久客澳洲在該處肇啓丕基廣於交遊實華僑之領袖邇者思興鑪膽造回羊石與家人慶叙團圓復於糖城之故衣街門牌念七號夥開仁信藥房其門如市適本局調查人員造訪蒙鄭君將澳洲往事詳細重題遂及韋廉士大醫生紅色補丸一節據云○余寓居加路頓埠者已十又八年矣此埠在澳大利亞之西境余在該埠販運什貨生意頗旺兼售天下馳名韋廉士大醫生紅色補丸英國所出之調血妙藥消流甚大全澳家常之藥

西來新妙



廣東鄭亮翁先生像

以為世告凡我同胞廣為傳佈幸甚幸甚○全球之上所售之藥其消場之大以韋廉士大醫生之紅色補丸為最每逢羣醫束手愈稱不治之症得此丸之力而死裏逢生者以千萬計或向上海九江路第八號加B字門牌韋廉士大醫生藥局採買亦可 每一樽價英洋一元五角 每買六樽價銀英洋八元正 上海九江路B字第八號韋廉士大醫生藥局啓

瑞林祥元記 綢緞洋貨莊

本號開設（北京前門外鮮魚口）（天津估衣街中間路北）（山東濟南府院西路北）等處目置綢緞洋貨顧繡絨花素貢絨絨緞各色抖蘆哈啞厚呢以及京廣什貨織絨絨貨各色俱全貨高價廉劃一不二中外 紳商賜顧移玉是幸 瑞林祥元記具

北洋灤州官礦公司設立接待處廣告

啓者本公司現時暫任玉皇閣工藝局內附設頭門以內立有接待處凡遇紳商士庶枉顧或繳股款或取息銀均請逕到接待處晤談該處派有委員專司其事又漁業公司接待處亦附設在內凡來賓因漁業事件惠臨者均一律辦理此啓

天津商務印書館新書

訂正羣學肆言
 此書言所以治國之書凡十六篇前經嚴又誨先生譯出世備受海內歡迎
 茲經重加訂正以版歸本館洋裝精緻大為改觀每册定價一元

女子國文教科書
 本館前編初等小學女子國文教科書八册一年間已疊六版近又承學部審定其價
 值可不待言此書即前書而作所採材料仍以前所採材料以女子必需之道德智識為主而於家
 教女工衛生之學尤詳全書四册先出第一册定價大洋二角

近世化學教科書
 日本大澤勇吉著王季烈譯○上篇述有機化學第三篇述有機化學學部譯云近
 世化學日新月異記憶之學科漸變為推理之學科故教授之法實驗理論不可偏廢
 此書凡化學中實驗理論之關係解說其詳每册定價洋八角五分

初等代數
 王家漢譯著○是書久已膾炙人口於遠述我國說力求顯明題間時有酌
 意著深譯原書之精意而不拘守原書之面目最遠於我國之用每部一元二角

初等三角法教科書
 日本飯島正之助著周藩譯○上篇述銳角之圓函數下篇述普通三角之圓函數定
 理節式之證明不厭其詳而行文簡括使讀者循途深造忘其為沈悶之科學該教科
 書本也每册定價二角半

家計簿記教科書
 美定高等小學章程列簿記於算術科是書就家計以圖凡詳論簿記之法書分九章
 執事國通行舊例參以各國新法於改良之仍以通俗適用為主既可作學堂科
 書即使居家者經商者會計者亦其有益每册八角

新法英文教程
 此書寓文法於讀本使學者易於領悟而於文法八部之總則及其義之時間尤為
 注意每句詳解清晰未附釋義及解字兩門凡用對體字處可檢釋義其難字可檢解
 字使閱者一目了然每册定價八角

日語讀本
 內編崔文君現任山東高等小學堂日語教授歷年既久閱歷尤深茲以其經驗材
 料編成此書例清程度適合誠為學日語者之寶筏也每部四册每册一元四角

鉛筆習畫帖
 本館前出高等小學鉛筆習畫帖已承學部審定是書編繪之法與前書相應而筆法
 甚為簡易便於初學繪畫全部四册每册各二十幅第一册均單形體以次循序漸
 進至第四册乃及陰影濃淡之法初學極易人手全部定價四角八分

鍾乳調體
 英國哈葛特原著○此書大致似霧中人出於俄漢戶乞獨門自述歸本於亨利之
 友愛乃以尋覓其弟之故至於犯瘴癘絕沙漠飢渴而死所不惜體之足以愧天下
 之同類者每部二册定價六角

天囚懺悔錄
 是書叙一入誤殺其友出亡天良交種種苦惱後流落荒島力自懺悔收行為善卒得
 之同類者每部二册定價五角

天囚懺悔錄
 向加利利寶珂摩耳著○一摩陀爾人有妹為食王所誘約至彼處而愛情至死不誠不
 許其兄報警此愈狂又誘惑一公爵思攘其夫人鼓種種奸謀不特遂公爵夫人卒歸
 與摩陀爾人博勝時奇原著古雅每册定價四角

匈奴奇士錄
 日本豐學博士橫井時奇原著○此書以改良地方自治之理想假託人久客歸鄉
 所見所與後前大異所說事實均依據學理可見實行今吾國方注意地方自治此
 書頗實模範不啻僅作小說觀也每册定價三角

模範町村
 所見所與後前大異所說事實均依據學理可見實行今吾國方注意地方自治此
 書頗實模範不啻僅作小說觀也每册定價三角

開河路北大胡同電話五百二十六號

啟新 灰洋有限公司廣告



啟者本公司係承唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰五水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不誤期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

啟新洋灰有限公司磚密招股滿額廣告

啟者本公司前經登報添招磚密股本三十萬元截至三月十五日兩個月期限認股業已滿額凡有未交股本務請照章於收股限內繳齊五月十五日以後一律截收此布

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器瑤藍 奇巧美術玩器 學界文房用品 旋行携帶等件 精工製身物料
 定織各色蓆氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啟

天津勸工陳列所廣告

謹將勸工陳列所四月分所有售票數目及代售各商貨品件數開列於左 計開 優待票共五十六位

入覽 參考

客票共 六百七十七位

四次禮拜五 入覽 女客票 一百九十六位

代北京農工商部工藝局售出貨品三十六

件 代北京工藝商局售出貨品一件 代天津實習工場售出貨品四百三十九件 代天津教育品製造所售

出貨品二件 代天津同陸號售出貨品六件 代天津芝蘭香公司售出貨品一百六十八件 代天津公益造

胰公司售出貨品六百六十八件 代天津造胰有限公司售出貨品一千件 代天津鴻興汽水公司售出貨品

四十八件 代天津文美齋售出貨品一件 代天津益豐成售出貨品十五件 代唐山述記公司售出貨品一

件 代大城縣工藝局售出貨品三十九件 代四川勸工總局售出貨品六件 以上統共售出貨品二千四百

三十件

天津勸工陳列所謹啟

平和戒烟醫局廣告

啓者敝同人創設戒烟醫局原屬拯濟爲懷欲將天下人沈疴洗除淨盡無各博施濟衆堯舜不能且爲日甚長的款無着是以原定章程酌收藥資以助經費前因開局以來到局戒烟者固不乏人而因此觀望者仍屬不少故本局公議自二月初一日起至三月底止特贈醫三個月以示普濟之意刻下期限屆滿戒烟者百數十人在局服藥者尙有百數十號成效已着人所共知不待本局贅述也本擬再行續贈特因經費不敷力與心違倘長此不收藥資斷難經久萬一半途而廢是公益之舉不但有始無終亦非本局樂善好施之本意茲復公同再四籌商仍議定照舊章辦理除三月內掛號服藥者仍贈醫不計外凡自四月初一日起來局戒烟之人必須先交藥資十兩如有不能現交者必須覓有安實舖保力爲擔承方准掛號其煙癮過大用藥較多者隨後核算至多亦不過再取藥資一二十金至癮斷之後捐助本局經費則視乎本人之力量體面耳凡有志戒烟者須知本局收取藥資乃係不得已之苦衷本局設立既久名譽效驗昭昭在人耳目想爲 諸君所共悉而共諒也此佈 平和戒烟醫局告白

本局印售各種書籍圖畫目錄

澄衷學堂字課圖說
 天文歌略
 地理歌略
 地球韻言
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學筆算教科書
 初等小學筆算計科書教授法
 忠經
 英文學隅
 東文典問答
 地文學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋二元
 一本洋三分
 一本洋一角五分
 二本洋二角
 一本洋一角五分
 一本洋四分
 二本洋三角二分
 二本洋一元
 二本洋紙洋五角
 二本洋紙洋四角
 合售洋三角六分
 一本洋紙洋五分
 一本洋二角
 一本洋二角五分
 二本洋二角
 一本洋五角
 二本洋紙洋四角
 二本洋紙洋五角五分
 二本洋紙洋四角
 二本洋一元二角
 二本洋四角
 二本洋紙洋七角五分
 二本洋紙洋七角
 一本洋四角五分
 一本洋紙洋四角五分
 一本洋紙洋三角五分
 一本洋紙洋一角五分
 四本洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明夷待訪錄
 普通教科書目提要
 科學書目提要初編
 心算教授法
 萬國公法提要
 甲辰學報彙編一百種
 乙巳學報彙編
 丙午學報彙編
 丁未學報彙編
 戊申學報彙編
 農學新書三十五種
 日本栽桑捷法
 美國養雞法
 農務述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平圓地球圖
 東三省鐵路全圖

一本洋紙洋二元五分
 四本洋五角
 一本洋紙洋三角五分
 一本洋七角
 一本洋二角
 一本洋三角五分
 二本洋四角
 二本洋六角
 一本洋二角
 一本洋五分
 一本洋一角五分
 一本洋紙洋三角五分
 四本洋一元
 五十本洋二元七角
 四十本洋四元二角
 廿四本洋四元八角
 廿二本洋五元六角
 一本洋一角二分
 一本洋四角
 一本洋三角六分
 六扇屏洋二元
 二册洋五角
 一張洋一角
 一册洋一元
 三十二張洋一元
 一張洋八角

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分
 法政學報十日一册每月三册收價洋六角零購者每册二角
 兩種合購每月收洋一圓二角
 各州縣報價交銀者除額定銷數照舊收銀九錢外額外分購者統照本埠售例

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

工商演說廣告

啓者五月初三日晚八鐘至十一鐘仍在東宣講所內演說工商各項要理並請劉巨川先生續演生財有大道韓鏡湖先生演說發電機之製造與功用紀管涔先生續演銀錢漲落之理李子鶴先生續演商業機關釋務希各工商屆時 惠臨入聽不取分文特此佈告

天津勸工陳列所啓